

國朝詩人徵略二編

國朝詩人徵略二編卷四十八

番禺張維屏子樹輯

唐仲冕

字六枳號陶山湖南善化人乾隆五十八年進士

官布政使有陶山詩錄

先生成進士授江蘇荆溪縣知縣由吳縣擢海州

知州調通州權松江府蘇州府知府兩江總督百

齡奏以道員用勘河海淤攤地嘉慶初年擢按

察使遷陝西布政使三權陝西巡撫以病乞休僑

居金陵卒年七十五

沅湘耆舊集

先生性孝友自以其父官平陰貧甚母卒不能歸
葬遂葬於肥城縣故陶山之麓因號陶山

通籍後以不及祿養爲憾事伯兄如父

間門滄浪亭有五百名賢像石刻首吳泰伯終唐
陶山爲時所推重如此

先生仕宦所至勤求民瘼振興士氣興大利除大
害赤緊繁劇措理裕如

先生孜孜著述嘗結廬墓側教授岱下撰岱覽三
十二卷又欲輯湖南詩徵未成臨別諄諄屬余且

曰將待此以瞑目

以上皆沅
湘耆舊集

錢辛楣先生云陶山詩能達難顯之情而不入於鄙俚佻巧之習 秦小峴侍郎云陶山居官勤勞政事以其暇修治古蹟接禮寒峻意趣超然軒冕之外 王鐵夫學博云陶山始至荆溪以大買書逋其帑其後改官五六處輒以書俱 許石華大令云吾師倣古人一官一集之例有臨津集松陵集胸海集蘇臺集又西行南旋東歸諸集

松軒隨筆

標題

徵漕歎

亭口卒

畱別吳門

以上上古

鹽漬水

袁浦水

石室書院

以上七古

題鑑兒讀書圖

七古 父爲子題圖詩中罕見錄此亦喬梓美談也

先生晚年爲孝廉堂主講長君鏡海太常
季子竹泉刺史皆侍鄉有耆英庭多玉樹
老壽蕃祉先生兼之矣 松軒隨筆

摘句 但使窮黎活何辭大府嗔

縱有焚黃禮終非戲綵心

老因閒轉健宦爲拙難成

杏泥隨小燕櫻筍薦鱗魚

小溪羣鴨喜高樹一蟬涼

暮景催疲馬春風起倦禽

畏途都勸公無渡行役何知我獨賢

于役河渠

先生于役河工兩次於河事利害最爲
熟悉有引河篇數千言聽松廬詩話

微禹其魚聊自幸以鄰爲壑亦堪哀
一身豈僅衰年病萬姓都如刺史臞
得便舟車兼訪古無多簿領輒論文
家累盡教歸竹屋宦情終合辦櫻鞵
半世星霜寒士骨四時風雨庶民心
骨格本慙空冀北頭銜又唱望江南
七里塘邊停小艇三生石上認前身
南斗箕張原有口北山雲出總無心
病中消息嫌人問老去文章愛客談
容易變寒秋後熱最難忍淚老來朋

李 寶

字世名號充之廣東新會人乾隆六十年進士官
教授有寶研堂文集鋤月軒詩鈔

實歷官肇慶府惠州府教授晉光祿寺署正少孤
事兄如父好學能文宦肇時肇有端人文社凡有
文教於肇者肇人立祿位以尸祝之實與焉著有
寶研堂文集喬方伯用遷張司馬維屏爲之序鋤
月軒詩鈔劉編修彬華爲之序

新會縣志

充之詩少時已爲李雨村學使首取中間遭逢未
偶凡覽勝弔古皆發之於詩捷南宮後補肇慶郡

博一時馮魚山饒曼唐莫善齋黃虛舟諸君子咸

與之唱酬

新會縣志

乙卯大挑一等以知縣用公有志春闈願就教職
卽於是科成進士總裁竇東皋先生以爲卓有先
輩風度丙辰補肇府教授戊辰以失察武生事被
鐫大府以公有裨學校力爲奏請捐復乙亥補惠
州府教授丙子晉光祿寺署正解組後屢主景賢
紫水書院講席粵士出公之門掇科第者指不勝
屈公生於乾隆戊寅卒於道光乙酉年六十有八

教授李君墓誌銘

龍太史廷槐撰

昔歐陽文忠公言胡翼之孫明復石守道三人能爲師而其徒最盛余謂魚山善齋充之三先生之學行皆不愧爲人師而生徒從遊常數百人與歐

陽文忠之言適有合

聽松廬文鈔

荔奴卽龍眼也余嘗有溪邊龍目樹易生如楊柳句考新會古學卽以命題諸生李大成詩佳拔第一未幾發正案李生實文更佳遂以爲首而大成次之人頗爲怪是年己亥恩科二生俱中式而名次實居大成之先乃信文有定價云

兩村詩話

充之築鋤月軒種梅課子賦詩紀事僚友門生屬

和者百餘人

桐陰館詩話

嘉慶甲子余主端溪講席得覽充之先生楚游草
五律如黃州晚泊云暮煙縈赤壁斜月上烏林衡
陽晚眺云漁火星浮水江風鳥入雲七律如樊城
發舟去人來冀北多燕語舟下襄陽訝楚音瀟湘
舟夜云碧浮鄂渚三更月青杳君山半壑煙大得
唐人三昧五言古如岫嶠峰云烘日燦碧桃蒸雲
挂青蓮祝融峰云日月夾谷厓東西互吐吞羣峰
盡來朝盤繞連帝關因索觀全集多可傳之句

曉岳

山房

詩話

標題 太白樓 登迴雁峰望岫樓峰 望祝融

峰 登燕子磯絕頂

皆五言古

摘句 巍峩聳高樓一醉竟千古前身悟明月慣

作江山主舉嵒問青天湖海任吞吐巨眼

識汾陽交情重老杜

太白樓

白日空懷古青山亦姓梅

梅鉞故里

湖光浮日大嶽色入雲高

望湖亭

人家多近水城堞半依山

湖口縣

山隨孤櫂轉日帶片帆收

清江晚泊

夢隨流水去身爲好山畱

寄家書

蠶煙寒欲雨瘴海濕生雲

武溪道中

橫江一聲雁秋意滿衡陽

衡山道中

九章維故國三戶泣孤臣

三閭祠

秋聲圍小院人影聚深宵

舟中酬虛

洞藏詩世界林闢酒封疆

七星巖

一生依水月獨立出清奇

梅花

半嶺碧隨人影上萬山青趁馬蹄來

梅關

斜陽未落先浮月遠水初平欲化煙

晚泊燕湖

十載江湖行客夢半床風雨故人心

與張葯房

雲氣乘雷扶海立潮聲挾雨過江來

韓江樓

字未識奇恆愧問詩須除俗尙求刪

示諸生

心經剖去終懷紂墓卽封來豈受周

殷少師墓

白露爲霜湘水冷碧天如水楚雲流

常甯舟次

臣之壯也無他技仕有時乎亦爲貧

贈林廣文

三千世界遊仙府十二樓臺選佛場

朱明洞

犀皮百面蒙艫舳魚網千張挂杞樓

水師出洋

以犀皮魚網可禦砲火

海警雜感

學臻苦境甘纔出思到通時困莫忘

示長孫

東岸木棉西岸竹溪窮路轉綠翻紅

紫源村

一路鷓鴣啼不斷尋春直到綠楊村

踏青

陳琪

字其玉號花農浙江仁和人乾隆六十年進士官

詹事

嘉慶三年

御試翰詹花農列一等第一

杭詩續輯

摘句

孤山梅花三百樹和雪嚼之充詩腸

終日閉關因頌酒滿階黃葉少人來

張敦謙

字山甫山東膠州人乾隆六十年舉人

摘句

從來明月夜易動故人情

風定三更樹天垂一院星

國朝詩人徵略二編卷四十九

番禺張維屏子樹輯

王晏

字仲瞿一名良士浙江秀水人乾隆五十九年舉
人有煙霞萬古樓集

仲瞿好游俠兼通兵家言善弓矢上馬如飛慷慨

悲歌不可一世余題其文集云斗牛之光芒角四

起河海之水縱橫萬里

錢梅溪
文鈔

寶東臯先生

光緒

評王仲瞿所撰西楚霸王廟碑

云二千年來無此手筆

松心
日錄

吳白華先生

省欽

王仲瞿座師也先生官總憲薦

仲瞿精五雷法可制邪教仲瞿以詩卻之有百里

雄雷驚孝若六州生鐵鑄顏回之句

奔榆山房筆譚

吳白華侍郎曾館於和珅家時和珅當權仲瞿三

上書於白華請參和珅三書載在集中今觀之猶

覺氣挾風霜力排山嶽

松軒隨筆

漢有建安七子唐有王楊盧駱四家余欲選黃仲

則詩王仲瞿文合刻之題曰乾隆二仲

老漁閒話

標題

驪山烽火樓

題葉法善所刻李北海追

魂碑

桃源會仙引

龍湫觀瀑

七古

摘句

七十戰而霸八千人死之不聞亞父塚猶

有憤王祠

下相

百劫山河隋大業一家文字宋廬陵

平山堂

容得馬遷畱謗史能成蘇武做忠臣

漢武帝

河不奈何公且渡樹猶如此我銷魂

懷焉異

天意何曾袒劉季大王失計戀江東

霸王墓

小戎女子多名將作史班姬是婦人

碧城詩後

花縣幾年新令尹玉堂前度舊神仙

贈屠孟昭

西湖老佛詩功德南嶽先生酒聖賢

壽吳穀人

多少古人皆不死一編原是古金丹

金禮羸

字雲門浙江山陰人王曇室有秋紅丈室遺詩

仲瞿繼室金雲門女士精繪事工畫人物近劉松

年趙千里仇實父諸家爲海內大宗非止閨秀中

巨擘也建安七子圖今藏余家

秋紅丈室詩序
陳大令文述撰

摘句 神仙墮落爲名士菩薩慈悲念女身

呈觀
音

向來山水江南好從古文章蜀道難

巾幘聲名身後事神仙游債欠來多

題鴈
山圖

此書未收閨秀詩仲瞿夫婦皆奇特爲

收之亦欲此書無所不有也

松軒
隨筆

漆璘

字仲琛號東樵廣東番禺人嘉慶三年舉人有思古堂詩鈔

東樵詩直摠胸臆蹕厲無前實妙於盡而懷舊思古真摯沈着其筆則快其情自深亦復不名一格余與東樵遊處二十餘年其心地慤直不留絲毫觀其詩可以知其人

嶺南羣雅

東樵孝於親友於兄弟信於朋友戴文端公

衡亨

督學粵東得君卷嘉賞之以第一名入泮戊午舉於鄉入都謁文端文端以大器期之乃七上公車

不第而文端亦謝世矣君懷才不遇晚歲就館潮州卒于旅次可慨也已君有子七人啓昆邑增生啓祥邑附生啓昆奉行狀及思古堂詩集來請閱定因撮其事畧並摘句於左

松心文鈔

東樵有雜詠云門無顯者車食翦春畦蔬幽懷遠塵垢大雅酣詩書別有一天地閒來觀鳥魚不知金谷好吾自愛吾廬有翛然自得之致

聽松廬詩話

譚玉生云先生性孝友詩不多作如衛身蟲裏葉固宇鵲銜枝亦善言名理

楚庭耆舊遺詩

標題 胠篋篇

田橫劉

五古

夢夢曲

寄弟

七古

摘句 英雄不可測未遇皆等夷

劉項等夷唐太宗於竇建德李密明太祖於陳友諒張士誠皆等夷也至興亡

成敗則天也此十字論古有識

聽松廬詩話

炎漢塵中盡高風江上來

鈞臺

回首望鄉關黯然薄青紫

感懷

祇求能入夢甯復望成雙

悼亡

橋認神仙跡家傳刺史文

抵潮州

天垂落日千峯紫岸束奔流一道青

峽山寺

安知遲暮非天眷莫怨艱難負

國恩

下第

祇是心勞牽骨肉大都雪盡又風塵

出京寄弟

白酒雞豚驚令序黃河舟楫動離魂

端午渡河

方嘆讓賢能屈已不堪羸卒又呼庚

張睢陽

暫拋書卷新愁長倦看林巒短夢來

江上

羣山俯首爭趨北遠水朝宗只向東

倚山樓

虎帳特膺千里寄雞窗原讀五車來

贈張參戎

捧書急認平安字仰拜飛鴻俯拜魚

喜得家書

視寒間煖憑予季莫貯斑衣爲讀書

寄弟

萬縷離愁千里月客中都是可憐宵

客夜

堦前不薙無名草粉蝶閒看結隊飛

雜詠

馮國倚

字礪泉號覺林廣東南海人嘉慶三年舉人官浙江雲和縣知縣有嘉聲齋詩存

君爲潛齋太史

成修

族人少端慤嗜學太史愛重

之弱冠補弟子員嘉慶戊午舉於鄉以大挑一等分發浙江署雲和縣事在縣僅六月以事罷歸

粵東駐防有八旗設八旗義學丙子鎮粵將軍某公延君掌教是歲旗籍始開科八旗多士科第聯翩大半皆君弟子道光癸卯

詔各省八旗駐防改應繙譯考試明年甲辰君卒君主

八旗書院講席凡二十九年旗籍文試開科而君
來文試停科而君逝君之身若與旗籍科名相繫
者亦異事也君治易宗虞氏爲詩學自蘇兩家卒
年七十四子二應盛應洽皆業儒

聽松廬
文鈔

外祖礪泉公掌教八旗義學垂三十年門下士經
義之外多嫻騎射南山師贈以詩有云笑我灌園
聊學圃喜君傳道有干城濟時才具需文武豈獨

紛綸說五經

淡柳堂
詩話

廣州城內禪寺以光孝爲最古六榕次之馮礪泉
所居及講舍介在兩寺之間一日余與子黼訪礪

泉遂同遊兩寺賦詩云孤塔撐空夕照陰六榕樹

老近訶林東吳尙有研經地南漢空餘佞佛金

海早歸清興在精廬常到古懷深外孫句好題黃

絹

店外孫李子
翻茂才工詩

竹杖芒鞋約共尋

聽松廬
詩話

礪泉詩不多余最愛其題李孚亭秋江泛宅圖絕

句錄之不妨煙水共浮家蹤跡如鷗寄海涯夜半

潮來秋夢醒一江涼月浸蘆花

同上

摘句 兩溪張縣臂十畝東村腰

雲和
雜詠

宦場險阻千重浪朋舊艱難萬里書

讀罷離騷香滿屋一天明月放梅花

深柳
堂

陳希濂

字澱水浙江錢塘人嘉慶三年舉人有澱水集

澱水搜藏名人扇面極佳者數百葉

杭郡詩續輯

摘句 秋聲千葉雨寒色一湖霜

還是買花還買酒杖頭錢少費商量

梁祖恩

字久竹錢塘人嘉慶三年舉人官始興縣知縣

嘗一充鄉試同考官所得多知名士

杭郡詩續輯

摘句 願得醇如佳士品定能濃似故人情

釀酒

綠酒依然前度客青山新入送行詩

題話別圖

凌驥

字德彥號樾鳴廣東番禺人有樾鳴草

劉南禺廣文

達成

撰樾鳴山人傳云山人弱不好

弄惟喜醇酒嗜古書既冠櫻酒病弗能履遂舍舉

子業杜門養病年逾三十學治韓伯休術四方來

就者弗論直悉響應居常退讓安分不隨人作翕

翕熱相過從者多田夫野老及憔悴專一之士或

終日寂對不一語惟與論忠孝節烈洎古來興亡

事便奮髯揜腕色色然喜

嶺海詩鈔

山人嗜古書喜醇酒讀五百字輒引滿蘇古儕徵

君見之目曰酒經籌會考期陳古村先生以書促
之山人復書數百言詞氣精悍爲時傳誦然終不

復出

雁山文集

山人之子藥洲明經

楊藻

劬書嗜學著述等身有

海雅堂詩集文集及嶺海詩鈔皆不脛而走山人

諸孫克承家學雒田秀才

湘蘅

有詒癡子集藉田

文學

湘芸

有百尺梧桐書屋草蓋祖孫父子兄弟

人皆有詩詩皆有集如山人者粵東百年來未多
覩也山人雖未遇然較之人世浮榮所得固已多

矣

聽松廬文鈔

讀後漢書

東漢多賢才鉤黨紛紛起豈伊造物心誕之令遭
否自非人善承若或天主使君子有本性潛亢安
所止孟博非輕生申屠豈畏死悠悠千載間均足
扶人紀

古君子或明哲保身或舍生取義各行其是迹
雖異而心則同樾鳴山人詩云孟博非輕生申
屠豈畏死有此眼光方許論古

聽松廬
詩話

摘句

藉以謹嗜慾亦以戒馳騫

病中
雜詩

嗟哉一霸并一王不及風塵一女子

漂母
祠

項王不能知韓信漢王不能知韓信一
漂母能知之能飯之此女子亦奇矣哉
樞翁詩云嗟哉一霸并一王不及風塵
一女子大爲漂母生色聽松廬詩話

微雲帶平楚新月上孤城

積水綠深行犢徑澹煙紅濕落花村

松下龜方憐曳尾草間牛豈受籠頭

陶貞石

天風滿袖秋無際獨立蒼茫第一峰

題畫

風流在昔推乾亨

仙湖行此非因句摘之因論誤字摘之

乾亨南漢國主年號也粵東詩海嶺南

鼓吹皆采此詩皆誤作乾坤所以書貴

善校然善校正非易事

松軒隨筆

國朝詩人徵略二編卷五十一

番禺張維屏子樹輯

鮑桂星

字雙五號覺生安徽歙縣人嘉慶四年進士官禮部侍郎有覺生詩鈔

覺生先生由編修洊升侍郎緣事得罪降革奉

旨閉門思過後蒙

恩賞編修集中詠史七律百餘首詠物五律百餘首感舊五律數十首大抵皆罷官閒居時作也詠史多傑作惜不能全錄僅摘警句錄之以供欣賞

聽松廬詩話

覺生述其師吳澹泉之言曰詩之有格猶射有鹄
工有規矩入格則爲詩不入格則不可以爲詩不
入格之詩其工者駢儷文耳其奧者古賦耳其妍
者詞耳其快者曲耳其樸直者語錄耳其新穎者
小說耳其紆曲委備者公牘與私書耳覺生頗以
爲然余謂詩安有定格哉但有真才真學真性情
其詩自有佳處然世人爲詩亦實有蹈此數病者
則澹泉之言不可泥亦不可不知

聽松廬詩話

嘉慶癸亥覺生先生在都中一時從游者甚衆先
生賦長歌紀之自註穆常軒

彰阿

那崑峰

嶽

岳中

峰魁

三藹堂

福

永謚齋

甯

福緒堂

保

鍾雲亭

解

敏

禹民

德

永清園

泰

毓雲橋

書

榮顯堂

第

奕醴埜

溥

福禹門

中

鐵荔巖

麟

吉藹人

雲布

張圖南

頤雲

雲

翥青

麟

慶樞之

辰

以上名字皆見覺生詩鈔註中

其後諸公或贊

綸扉或建旄節或登臺省或膺

民社蓋都中以制藝授徒自管韞山侍御後當推

先生而科名之盛仕宦之顯則管之及門猶遜於

鮑云

松軒
隨筆

標題

汪貞女詩

五古

青鳥歎

王文成公硯歌

文成硯歌改本

李君

槐蔭

殉難詩

七古

摘句 人生有真氣充塞宇宙間不因死生奪豈

爲榮辱遷

月化一庭水涼波生古苔

逢花卽中酒見石輒下拜一詩一書法唐

宋風流最何必峴首碑侈說功名大

襄陽

羊叔子爲晉功臣惟恐身後不傳孟浩

然米元章一以五字詩傳一以書畫傳

其傳較羊公尤盛夫事功求諸人文藝

求諸已事功因乎時文藝因乎學然則

人傳不傳亦顧自立何如耳

松軒
隨筆

我爲定詩品五子壓四唐杜李孟韓白泰

華恆嵩衡

讀孟東野集

昌黎低頭拜東野而東坡乃云何苦將
兩耳聽此寒蟲號至鮑覺生則尊孟於
杜李韓白之間比五公於五嶽其實東
野不及四家之大然亦可見自關町畦

獨開生面後世必有欣賞者

聽松廬詩話

山水何曾管吉凶

青島款

世人惑於風水之說每致久停親柩讀

覺生先生青鳥歎可謂知者不惑

松軒隨筆

萬里蔥河水西來接大荒并渠千七百直下豫徐
揚岸失晴沙白波吞曉日黃孤帆徑飛渡擊楫意

蒼茫

渡黃河作

四十字警鍊渾成迴殊浮響

碧江紅樹晚蕭蕭蘆荻花中一葉飄明月滿船天
在水數聲柔艣過楓橋

月夜過楓橋

皓然林岫玉鸞

環乞與勞人半日閒一樹梅花一篷雪自攜尊酒

上孤山

西湖遇雪

此二詩神韻絕佳

聽松庵詩話

摘句

有松皆是石無岫不成雲

黃山

客似菊之逸人如桑者閒

琴中聞淩水枕上有青山

消磨今古惟明月漂泊英雄有大江
奇雲倒挾諸峰走渴日遙奔大壑來
太恆風雨連三晉鉤鬲雲沙接九河
江寫字形流不去峽如扇子摺將來
乾坤足跡眞萍泛今古軒裳亦槿榮
匡時術短才鋒斂讀史心平古淚乾
僕本恨人曾作賦客無他好但能詩
尋詩竹徑雲雙屨送酒柴門月一肩
更漏短長知妾夢酒杯深淺憶郎情
皎月亦憐人似玉飄風應念子無裳

聞思

一身臣子兼忠孝兩國興亡繫死生

伍員

驚回曉夢身猶蝶悟到濠梁我亦魚

莊周

光爭日月生無忝氣壓魚龍死不凡

屈平

直以片言存九鼎真堪一笑抵千金

魯仲連

不緣任法收圖籍何致遺經付劫灰

蕭何

丞相容顏宜冠玉將軍計畫在多金

陳平

八千里外心如石十九年歸鬢似銀胡地

臙脂未妨買古來忠孝是情真

蘇武

來來試卜君王棗往往容偷阿母桃

東方朔

外家封事危猶上中壘遺經老更耽

劉向

四七雲臺星弁冕十三藝圃世弓裘

鄧禹

徼外勲名銅作柱軍中籌策米爲山

馬援

君房買菜真癡絕客座占星莫漫猜不是

羊裘太矜傲一朝風節要人開

嚴光

有妹能文真快事生兒繼武亦邊才

班超

不使當塗移漢祚須知闕里有雲孫

孔融

漢鼎一分歸帝胄祁山兩表瘁臣躬兒孫

戰骨香綿竹邊徼威名壓鑄銅

諸葛亮

七步五言空捷敏十年三徙太流離

曹植

百難贖是神仙骨七不堪非富貴身

嵇康

小喬得壻稱爲快名將呼郎古孰爭

周瑜

枕上羲皇嫌夢促尊前梨棗任兒譁

陶潛

人品方之古銅鑑諫書寫在御屏風

魏徵

青史論功原不細獨憐濡跡牝鷄晨

狄仁傑

牛仙據鼎空成讖狼子稱兵早積憂悔煞

棧雲鈴雨夜一卮垂涕酌韶州

張九齡

憤生貔虎三軍氣力遏江淮萬里流

張巡

葵藿一心蛇豕服河山百戰虎狼驅英雄

事業儒生學畱與笙歌作畫圖

郭子儀

天教杜老昌詩教萬卷書銖萬里愁

杜甫

何人知救郭汾陽再把河山造李唐天遣

長庚紓國難世稱夫子作詩狂

李白

古有陳篇修六籍天生大筆冠三唐

韓愈

不分生兒逢李亞空憐殉國爲朱三

王彥章

北征若早嫌孤注南渡何須待百年

寇準

三朝兩定宮闈策一范齊推柱石才

韓琦

誰言宋帝識英雄竟以參知了范公十事

未能行一二

公上十事

文臣偏使任兵戎

范仲淹

才如太白人爭殺忠似長沙帝早知

蘇軾

苦爲朝廷惜河北空教都市斬陳東

李綱

不願兩宮轡轂返何疑一將蜀鏐加

岳飛

背上孤兒趙天子舟中尺地宋山河

陸秀夫

厓山風雨孤舟破柴市衣冠死骨香正氣

一歌悲萬古天雲海色共蒼涼

文天祥

補天祇竭孤臣力塗地空銜萬古冤

于謙

陣雲不遏絃歌響諫草猶殷杖血痕莫效

蚍蜉撼高樹幾人施手正乾坤

王守仁

養成浩氣原須學流出丹心不在言

楊繼盛

雲屯鞬勒山成陣雨立貔貅鐵鑄腓

戚繼光

四軍敵自生驕將一士忠能繫福王

史可法

吳榮光

字伯榮號荷屋廣東南海人嘉慶四年進士官湖南巡撫有石雲山人詩集

嘉慶二年丁巳公二十五歲入學戊午鄉試中式舉人已未成進士選庶吉士辛酉散館改主事奉旨仍授職編修乙丑補御史丁卯充浙江鄉試副考官己巳以巡漕失察落職是年以御史對品捐復員外郎辛未選刑部員外郎甲戌隨同成公格往山西審案丙子升郎中補軍機章京戊寅補授陝安道道光元年辛巳擢福建按察使癸未擢貴州布

政使戊子丁外艱辛卯正月入都

召見九月補授湖南巡撫壬辰署湖廣總督丙申以年終密考學政自佔地步降四品京堂丁酉補授福建布政使庚子二月奉

旨以年力就衰原品休致十月抵家壬寅往桂林就醫癸卯八月初四日卒於桂林寓所年七十一子二

人尙忠江蘇通判尙志工部主事

松心文鈔

嘉慶丁巳余與荷屋同補弟子員戊午同受業於

蔡生甫先生

之定

之門丁卯余入都荷屋邀寓宅

中數月後余遷至潘伯臨寓所相距咫尺晨夕過

從是時君官翰林方專意考差典試日寫白摺子
作八韻詩迨遷御史則巡漕巡城日赴粥廠有暇
則學書取諸家法帖而鑒別考論之至於古今體
詩未暇究心也是以翁覃谿學士邀余與諸詞人
拜東坡生日秦小峴侍郎邀余與諸詞人拜淮海
生日都中二十四詩人集李公橋酒樓前明李西涯故居
爲荷花作生日君皆未與會蓋當時師友謂君於
書學實深於詩學尙淺卽君亦自以爲然也後緣
事罷官閉門謝客乃取杜韓兩集日誦而熟觀之
旣而復官南驅北轍山川邊塞开拓心胸於是詩

境乃曰進今載觀遺集爲之披榛采蘭庶幾識曲

聽真同茲欣賞

同上

荷屋中丞與令弟樸園孝廉友愛最篤有聞樸園弟秋捷詩云戊午吾通籍汝生才十齡先人甫垂白望汝早紆青今日聞登榜何年共過庭貽名知必果凜凜守遺經字字真至筆筆流轉樸園亦工

詩時相唱和洵屬燠簾韻事華鄂美談

聽松廬詩話

南山古詩人吟詩見風節賦愁鬼曾泣舒憤石可裂故鄉粳稻多騷客衣裳潔欲往從之遊江月澹於雪此荷屋懷人十二首之一也三四兩句謂余

詠史諸作第五句謂余因老米而思粳稻第六句
謂余厭塵土而勤澣濯皆在都中情事今展誦之
猶記風雪燕臺圍爐促膝時也

龍松廬詩話

荷屋太白樓詩云謫仙長生月不死此月此樓此
江水如此起筆頗得太白神氣 西侯辟穀處詩

云功成身退卽神仙休問有無赤松子達哉范蠡

泛湖西侯辟穀季鷹蓴菜稚川丹砂皆有託耳

同上

荷翁絕句余最愛其桃花夫人廟一首桃花人面

兩淒迷相對無言夕照西一樣春風亡國恨好花

終自憶虞兮提出虞美人則桃花夫人有愧矣

同上

標題

雞頭關

煎茶坪

大散關西望棧道諸

山 由瞻雲寺至黃巖寺

由白竹菴至

木瓜洞

茶山證仙處觀瀑

以上五古

畱侯辟穀處

太白樓

由華首臺至洗

衲石小酌

以上七古

摘句

可憐久爲客今又送歸人

題柳波送別圖

宦情隨路減歸夢近家多

勞生

天意三分國臣心五丈原

五丈原

盾鼻書生櫟刀頭壯士家

南征

分明畫不到宛在水中央

君山

獨憐望我成名後不見機前夜課人

余鄉舉時

先太夫人不及見

英雄道路消磨易少壯交游感慨深

北行雜詩

六代江山餘北固五湖烟雨葬西施

春程

幾處樓臺方月淺此時風露似秋分

七夕

客來王後空高閣文讓唐初此一篇

登滕王閣

鷗退鴻飛人世界樹深巖老我聲聞

登吳山頂

雨中花似佻僞女雲外松如磊落人

楓香驛

三更孺子橋邊履七尺英雄胯下身

淮安

力通東海無靈藥運關西京有異才

茂陵

人思出郭牽黃犬鬼泣當途斬白蛇

秦

山鬼薜蘿湘女竹美人雲雨大王風

楚

五夜星光寒玉井三峯霜氣散金天

登苗壽閣

地老天荒此薇蕨漢爭唐戰又城池

謁夷齊廟

三顧風雲開草昧千秋魚水有君臣

拜武侯墓

偏安公定三分策殘局天難兩中興

臥龍崗

威劫已徇千里草墨光猶照六經文

蔡中郎墓

誰呼天問班師詔不殺公難割地盟

岳武穆廟

一樣風帆無客夢數枝烟樹有鄉情

入粵東虎

厚地誰栽無患樹高天容有退飛禽

病夫

陳大經

字子常廣東番禺人嘉慶五年舉人有白菴堂稿
子常生而卓犖爲童子出語已驚其長老及冠補
博士弟子員庚申舉於鄉壬戌戊辰己巳三試禮
部薦而不售旣歸益恣力於羣籍親老家貧授徒
以養教人以立品爲先其父兄有不知敬師者輒
却其聘鄉黨有不避之事必挺然爭辨以故落落
難合其畱寓都門裘敝金盡知交顯宦不聞有半
刺之投其介如此事母孝弟稍長卽爲婚娶且督
課以至於成立其善體親心類如此病危以聯語

自輓曰萬種未完爲子事百年空負讀書心嗚呼可哀也已子常生於乾隆己亥卒於嘉慶壬申年

三十有四無子弟爲立繼聞者皆歎惜之

香浦文稿

梁香浦孝廉

信芳

與子常交篤旣爲作傳屬余刻

入詩人徵略又言子常歿時母尙在其後母病忽作子常生時聲言我今爲常熟縣城隍特來見母於是家人環跪忽指其弟之妾問此何人不應見我云云小說家載人死爲神者甚多子常生性剛直其死而爲縣城隍也亦宜

松軒隨筆

蔡槐卿太守

勳

黎半樵觀察

攀鐸

皆君高弟

老漁閒話

標題

壽母

五古

猿鶴吟答仲卿

七古

摘句

顧念菽水歡豈必在備物雖傷仲由貧宜

勉子夏色

日月揭雲漢所生異西東箕畢爛成章厥
好殊雨風若使無差池曷足云化工所以
有志士欲語差雷同

興來一杯酒情重百年心

親年驚易老壯志苦難成

春愁微醉後鄉夢乍醒時

沈寥才士感遲莫美人心

情天容易老愁夜不禁長

人猶憐范叔天竟餓王孫

爾少何憂賤吾愁不爲窮

示子持弟

龍蛇大海思霖雨松柏空山抱古春

雜感

心同夸父猶追日情似湘纍欲問天

楚客離魂空作賦鮑家奇鬼獨憐才

醉裏屠沽聊可語愁來妻子亦無情

漸銷清氣事衣食難報忠孝慙君親

天馬行空龍出海此身來往有誰羈

萬種未完爲子事百年空負讀書心

臨終自輓

葉荆

字東瑜號璞菴廣東東安人嘉慶五年舉人官嘉應州學正有靜寄軒詩集

先生先世從嘉應州徙居東安遂爲東安葉氏弱冠受知於學使者翁覃溪先生補諸生旋食餼嘉慶丙辰貢成均庚申恩科中本省鄉試舉人丁丑大挑二等授嘉應州學正凡十一年以病假歸七日而卒年八十有三先生蕭淡寡營喜讀書家素貧以授徒爲生計旣登賢書清望益著從遊之士歲以什伯修脯所入輒分給親戚宗族之不能

舉火者居平恂恂與物無忤獨於鄉曲豪右世人
所豔而趨者奴隸視之所至遇佳山水芒鞋竹笠
吟眺竟日所爲詩任其性之自然不刻意求工而
旨趣愈永於韋蘇州孟山人爲近自以貧不能藏
書手抄二十一史論贊數十萬言其耄而不倦也

如此

葉學博傳
陳孝廉在謙撰

葉璞菴手鈔二十一史論贊數十萬言耄而好學
如此近世所罕見也其詩如積水到天無柳陰人
飯牛皆五言佳句余尤愛其人似鶴閒詩如菊瘦
二語卽以此八字還贈其人

聽松廬
詩話

摘句

狂奴雖故態高風有如此自契古許巢詎

羨漢黃綺

嚴陵釣臺

西漢四皓出商山不必出而出東漢嚴

陵隱富春不必隱而隱然隱高矣

松廬詩話

人家齊傍水雉堞半依山

峽山縣

沙平多虎跡天遠有鴻聲

英德江行

米多論秤糴船半用篙扛

樂昌道中

遠山當檻出積水到天無

岳陽樓

晴川春水閣漢口夕陽船

晚次漢陽

屋外驢磨麥柳陰人飯牛

至嶧縣

客尋隋苑地人在廣陵舟

抵揚州

雞聲初到枕客夢已離家

羅山曉發

人多說夢到家此偏說夢離家意新

同上

波翻彭蠡浮空白山到匡廬不斷青

過鄱陽湖

百灣地占多籠柳千里舟行始見山

東阿待聞

錫圭已奠龍蛇宅執瑁如臨玉帛朝

禹王臺

水鳥帶波翻曲渚凍雲釀雪逼殘年

郴州

人似鷓鴣閑堪倚竹詩如菊瘦却宜秋

秋晚

畢竟千秋公憤在墓門長跪是何人

岳王墓

秦檜夫婦泉下有知不知悔恨否

同上

國朝詩人徵略二編卷五十二

番禺張維屏子樹輯

吳嵩梁

字子山號蘭雪江西東鄉人嘉慶五年舉人官黔西州知州有香蘇山館詩鈔

子山年未三十挾其行卷遊吳越間皆拱手歛衽莫與抗行及以公車入京師士大夫推服亦如之需次補國子監博士

香蘇山館詩鈔序 王昶撰

蘭雪應禮部試畢輒就余議論詩教之盛衰文章

之正變而蘭雪又報罷

香蘇山館詩鈔序 法式善撰

蘭雪與海內賢豪定交其名益盛顧屢躋春闈乃

以博士改官中書

香蘇山館詩鈔序 葉紹本撰

蘭雪浮沉國學及內閣者二十年今逾六十曾不

得一行其志

香蘇山館詩鈔序 姚瑩撰

庚寅余入都晤賓谷先生問蘭雪行止先生笑曰

忽然官興發作

語本蔣九種曲

往貴州爲知州矣蓋蘭雪

由中書入貲改知州補黔西州後卒于任

松心隨筆

袁簡齋

枚

曰蘭雪詩能放能收可華可樸

王蘭泉

初

曰西江自蔣荅生後蘭雪繼之

王夢樓

文治

曰袁子才似琵琶吳蘭雪似鐵笛

洪稚存

亮吉

曰蘭雪詩珠光七分劍氣三分吾詩

劍氣七分珠光三分

曾賓谷

煥

曰香蘇山館之詩作者其有憂患乎雨

苦之夜華月自出霜濃之晨奇花大開

蘭雪晚年都中人目其詩集爲有韻摺紳

松心
隨筆

蘭雪少時美風儀善談論翁覃谿先生督學江西

賞其詩目爲射鵰手由是詩名頓起當時江浙諸

老宏獎風流未免譽過其實然去其應酬浮泛之

作取其內心結撰之篇則雖不及蔣心餘黃仲則

而在數十年來詩家中固卓然傑出者矣

聽松廬
詩話

國朝詩人卷三

標題 克勒馬歌 韓王釣臺 書錢南園集後

懺悔篇 讀蔣藏園詩書後 王文成

公紀功石刻

皆七古

摘句

男兒急貧養何暇謀不朽

錄別老漁云十字沉痛

去日卽千載何必古與今 暫別卽千里

何必天一涯

饑秋老漁云二十字驚心動魄

古今稱詩家鼎鼎千百輩 一家能幾篇沉

痛入肝肺

答顧南雅

我謂此皆庸福耳富貴百年一彈指聲聞

之壽世所稀功德文章古無死

答陳百土

隱憂全盛日恬退未衰時

懷張文獻

一年彈指去百事上心來

除夜

猿聲惟隔樹鶴意似聽詩

題梧門圖

水田餘赤地官路踏黃河

雜詩

幽花貧女淚枯樹老夫心

夢中得句

人與月同色風來花異香

同綠姬
夜話

近寺看松色過橋聞水聲

雲泉山館

月光都化水雲氣欲沉松

夜登仙
鶴峯

得魚同一喜何必我持竿

觀釣者

恐歡身上衣亦如妾命薄

妾命薄

坐臨北斗三霄近望極中原一掌寬

登岱

叱咤生能吞大敵頭顱死亦換封侯

項王墓

故鄉欸段游山去窮島樓船破賊迴

馬伏波祠

秀才天下關憂樂老子胸中富甲兵

范文正祠

朱履縱遊千嶂後白頭圍坐萬花中

贈隨園

幕府高秋張宴出元戎小隊送詩來

感懷

從此讀書知有味欲求歸養已無田

自書詩後

花如新病扶初起苔似閒愁掃又生

疊前韻

能消人海千重恨只有天花一味閒

泊虎邱

松影是雲雲是墨月華如水水如冰

大通寺

七榜掄才尊使節 兩朝進講侍 經

筵 題戴文端公授經圖

鑄成五字皆神力傳到千秋只性情 答法時帆

遠難迎養官爲累貧解承歡婦亦賢 送韓樹屏

千秋把臂交原篤一第登天事亦奇 送張南山

三策治河排賈讓萬言下第惜劉蕡 送包慎伯

青山荷鋤能狂醉紅袖扶筇亦俊游 贈吳白菴

黃扉風度仍寒士白髮精神倍少年 呈曹相國

射虎家聲推上將雕龍國手擅奇才 贈李潤堂

天知楊震非欺我誰訴曾參竟殺人 贈韓桂船

清恐人知胡伯虎憂先天下范希文

贈陶雲汀

紅日未升朝判牘青天可告夜焚香

贈史春林

高歌拔劍心原壯冷眼觀棋事可哀

題船山詩

道尊中國知來學詩誦淮夷解獻琛

示琉球生

五朝將相忠兼孝一代師儒祖及孫

四世司成

絕跡飛行應萬里冥心獨造始千秋

論詩

誰知縱飲酣歌地中有唐衢淚數升

感懷

粧閣三間吟榻在半安奩鏡半藏書

綠春詞

莫怪傷春吟太苦傾城容易素心難

悼綠春

著書便是延年術莫笑千秋望太奢

五十初度

陳文述

字雲伯號退庵浙江錢塘人嘉慶五年舉人官江蘇知縣有頤道堂詩集

雲伯自少卽有才名阮雲臺先生極愛重之旣而以名孝廉出爲縣令分發江蘇屢宰大邑其爲人天性孝友篤於倫常廣交遊重信義座上客常滿樽中酒不空有孔北海之風焉又好脩名人遺跡多刻朋舊遺書至操筆爲詩文則思若湧泉才如舒錦鋒當八面藝兼九能生平與王仲瞿墨郭頻伽磨查梅史揆屠琴塢倬最稱契洽五人才望亦

相伯仲云子裴之工詩有澄懷堂集子婦汪端亦

工詩有自然好學齋集

松心文鈔

雲伯有張鐵槍歌序云張名永祥河南陳州人教

匪入境張以三百人破賊五千得百夫長棄歸農

阮中丞聞其名招之使教浙軍士槍法公內召適

屠君倬宰儀徵儀徵固鹽徒藪澤小關如戰屠君

延張自助三閱月渠魁擒治略盡張客儀徵三載

未嘗與人有纖介之爭

頤道堂集

雲伯有張鍋魁歌序云鍋魁大餅也張賣鍋魁遂

名鍋魁殺賊有功與以官不受仍歸賣鍋魁

同上

菊香墓 宋女士菊香不知何氏死塋孤山林處

士墓側見諸九鼎所作菊香墓誌

頤道堂集

小青墓 元女士馮小青廣陵人能詩善畫爲大

婦所不容鬱鬱以終

同上

西湖兩女士小影 明女士楊慧字雲友錢塘人

林雪字天素閩縣人工詩善畫並解音律

同上

陳雲伯於西湖建蘭因館左爲綠陰閣以祀小青

右爲秋芳閣以祀菊香楊雲友亦祀閣中余偶題

絕句云芳齡弱質女兒身數百年來骨化塵難得

文人爲設祀此問香火亦前因

聽松廬詩話

雲伯自題小影云不堪將相功名但可神仙遊戲
生平知己蛾眉小印蕊蘭書記其風致可想同上

虎邱鴛鴦塚詩 塚在虎邱西麓明季邑人倪士

義死將塋其妻楊氏命鐫鴛鴦二字於壙石遂自

剄合塋於此事見鈕玉樵觚賸珠海老漁曰虎邱

有鴛鴦塚從此真娘墓大爲減色矣老漁閑話

標題 讀李杜集書後 明督師盧忠烈公墓下

作 明江陰典史閻忠烈公祠 聽楚鬢

奏霓裳羽衣曲長歌以上七古

黃帝陵五言排律十六韻

摘句

昨夜微雪中已見草芽綠

廣陵書所見

萬竹如綠雲徑在竹中轉

韜光竹徑

桃花忘魏晉楊柳傲羲皇

懷陶淵明

前身文信國盡瘁武鄉侯

史忠正墓

聚書崔慰祖立館雷次宗

呈阮伯元師

楚歌鳳兮鳳李詩鸞與鸞

讀蘭雪廬山詩

百二山河終王漢八千子弟竟亡秦

楚霸王墓

姊妹天人雙國色英雄夫婦兩郎君

二喬宅

諸葛相才能治國元叵心事本迎君

于忠肅墓

詞場耆舊張三影樂府婢娟鮑四絃

秦淮感舊

祇可興亡歸氣數莫將成敗論英雄

陳友諒

平心之論非獨爲友諒發也唐太宗建

英雄廟祀李密竇建德已見及此

松心隨筆

鏡宜春影波秋影花是濃粧月淡粧

小停雲館

須知緣重情方重不信才難色亦難

乾坤落落誰同調今古茫茫各自傳

和王仲瞿

各自傳三字可以興人發憤之心可以

堅人嚮往之志可以消人忿爭之念可

以慰人刻苦之衷所謂傳非特立德立

功立言凡能精一藝皆可傳也

聽松廬詩話

國朝詩人徵略二編卷五十三

番禺張維屏子樹輯

樂鈞

初名宮譜字元淑號蓮裳江西臨川人嘉慶六年舉人有青芝山館詩文集

江西詩家蔣茗生後當推樂蓮裳吳蘭雪兩人同爲江西人同爲孝廉同爲翁覃谿先生弟子同以才名遨遊王侯公卿間蓮裳久居幕府蘭雪久居京師晚歲詩名吳盛於樂然合兩集觀之香蘇應酬投贈外心較多不如青芝多內心也

聽松廬詩話

讀史雜感

十二首錄十

刪書斷自丙辰年古史無徵或不傳上世春秋曾
十紀今時運會尙中天八荒孰與分河嶽三變誰
能辨海田安得化人談至道爲吾窮溯刼灰前
瓜離豆剖裂金湯南兖東揚跨越強割據封疆無
樂土英雄苗裔總降王翻聞瑞燕誇元魏晚見眞
龍出晉陽貞觀幾年書政要僅將刑措比成康
火井無光刼運初千年戎馬逐簪裾老羸庚癸流
亾盡婦女丁壬燼蕩餘禦盜至浮鷺頸詔求賢早
廢鵠頭書兔園君子同憂切時向糟邱一破除

誰遣蚩尤作五兵紛紛爭地復爭城無名師旅空
屠戮有道君王亦戰征百劫蟲沙消殺氣九天風
鶴助悲聲羸顛劉蹶嗟同盡依舊機槍午夜明

白茅黃土誓山河風急天潢水易波周室宗親分
玉改漢家封建酎金多桐圭不剪猶堪說豆釜相
煎復奈何忍使黃臺瓜蔓絕廢陵松柏有枝柯
空林雪後見松筠鐵骨冰心代幾人亂世有才多
負國餘生作賊爲全身李家累葉脩降表馮道三
朝列輔臣莫比良禽誇擇木商辛雖暴有遺民
秦代長城比鐵牢漢家邊將復功高雁門幾日烽

煙靖龍塞連年士馬勞戰地秋風吹筆葉離宮春
酒醉蒲桃可憐猶恃和親計落盡中朝使節旄
陰陽消息本相因璇室瑤臺禍最頻漢殿垂簾由
母后唐家當宁到才人際天雲霧常爲雨得地鶯
花易作春不是傾城能喪國牝鷄從古戒司晨
休論鷺鳥立垂枝蠖屈龍伸總片時達似陶潛猶
縱酒狂如李白只吟詩士甘貧賤甯無故才遇昇
平那得奇惟有姓名懸日月英靈相見一軒眉
文苑儒林古戰場幾人摧敗幾夷傷沈埋寶劍騰
秋氣墮落明珠起夜光三代典章猶闕失百家著

作易消亡蝨魚應笑書生拙辛苦讐書仰屋梁

蓮裳讀史詩全史在胸洪爐在手每首一意細

入大含沈雄之力鯢鵬徙雲飄忽之思蜻蜓點

水惟有節制故足貴也昧者貪多作數十首如

老人講古事如盲人唱彈詞刺刺不休沓沓可

厭矣

聽松廬詩話

蜀岡四首

錄一

月觀風亭被綺羅南朝金粉得來多幾船簫鼓迴
殘照三月煙花稱豔歌儘有海波熬白雪只須湖
水敵黃河豪華亦自關形勝枉笑夫差罪阿摩

前人揚州詠古於吳王隋帝每多刺譏此獨說
形勝可資豪華勿罪才人筆舌不欲猶人然非

今古羅胸安能操縱在手

聽松廬詩話

惠州白鶴峯蘇文忠公故居

莽莽乾坤萬里秋先生住處我來遊江山盡到詩
人眼雲海曾回逐客頭富貴在君猶是夢神仙無
命亦多愁青山一髮中原遠更向儋州望惠州

春夢婆誰不曉如此運用意外有意命字亦非
泛下公命宮坐磨蝎故多招罪謗結二句尤爲

沈鬱

聽松廬詩話

綠春詩三十首

錄二

丹臺翠水隔西東同墮情天浩劫中游戲散仙能
作霧天斜少女亦爲風高低楊柳傷心綠深淺桃
花薄命紅知是因緣知是夢三生消息最難通

結二句可味大千世界或百年伉儷或一夕歡

娛漏盡鐘鳴回頭皆幻此二句真情魔慾障中

無等呪也

聽松廬詩話

曲闌花影浸人寒明月同心怕獨看促織淒迷和
趙瑟流螢宛轉近齊紈腰圍似柳先秋瘦淚點如
星向曉殘記得芳姿仍髣髴繡來猶易畫來難

再和綠春詩三十首

錄二

銀漢西流不向東
女牛雙影水光中
年年灑淚成
秋雨夜夜分愁
寄曉風少日過同飛
電疾情天賸
有夕陽紅何須更覓
遊仙枕夢醒僧樓鼓一通

樽桑東樹有西枝
一霎晨光判早遲
至死難忘拋
去事相思已負過來時
中山酒爲澆愁買北里笙
常帶恨吹杜牧溫岐都老大
更無人賦惜春詞

沈痛之意出以警麗之詞

尙有佳句摘錄於後
聽松廬詩話

標題 效東坡形影神三首 讀諸子五首

讀史雜詠六首 論詩九首 更名詩

羊城紀遊 觀音巖 清遠以上山多奇

以一詩括之 手線縫衣圖

以上五言古

東阿項王墓 書李衛公告西嶽文後

王彥章墓 楊忠愍公名印歌 明靖南

侯黃忠桓公墓 越秀山 三仁祠

南海廟銅鼓 譚孝女詩 劉烈女詩

取古人快事效鐵厓咏史樂府十首

投大巫 朱亥椎 斬醉尉 漁陽撾

除三害 集翠裘 周興甕 太白

鞞 章臺柳 錢塘弩

題奇女圖十二首

聶政姊嬖 如姬 馮夫人嫖 馮昭

儀媛 木蘭 洗夫人 紅拂 平陽

公主 梁夫人 奢香 秦夫人 良玉

費宮人

以上七言古

摘句

闔閭爭晉長句踐入吳郭孟德窺漢鼎司馬在魏幕世事相倚伏後患誰先覺

以曹瞞之奸雄三馬食槽已見於夢而不殺司馬懿嘗欲殺矣而曹丕救之信乎天之所興人不能廢也蓮裳詩孟德

窺漢鼎司馬在魏幕盛衰倚伏之幾吁

可畏哉

聽松廬詩話

寄奴盜江南柴桑屬典午

淵明當日一詩翫耳而自守晉遺民不

書宋年號高風介節炳曜寰區柴桑屬

典午五字居然以未死之陶公存已亡

之晉室是何等思力

聽松廬詩話

季長附梁冀伯喈就董卓云何學道人而

肯妄依託

融附冀畏禍也邕就卓感知也此世人

常情耳吳康齋自謂夢孔子來訪而於
石亭稱門下士湛甘泉自謂體認天理
而爲巖崑作序極意獻諛前明講道學
者如此噫但講而已無怪乎道學之多

也

松心
隨筆

東風吹亂雲孤月若反走
近事成恍惚遠事時追尋
長安千萬人百否而一泰
萬物各有戀同途分去留
座中無故侶芳旨成辛酸

盛名耳畔雷勁敵眼中鐵

酬郭頻伽

奉親讀奇書餘事了不聞

吟哦鋪典實無乃類談藪

論詩

古無類書數典不易今類書大備獺祭何難作詩用典貴善用不貴貪多慎毋

襍積板填貽譏談藪

聽松廬詩話

理障與情魔貞淫兩失之

論詩

常味涪翁語不隨人作計

運思入微渺盡日忘飢餓

運思至忘飢餓出語却要自然

聽松廬詩話

封禪始黃帝登臨經素王

泰山

宋元無此士孔孟不非公

王文成公像

寺有南朝塔碑留宋代書

六榕寺

諸葛真名士希文自秀才

劍術思紅線書名愛玉杯

醉仍邀月飲愁反畏花知

萍爭新水綠花讓夕陽紅

露零慈母淚星炯故人心

今古全才少奎星落世間笑談亦仙佛名

姓共江山

蘇文忠公像

十二萬年風雨疾何況三萬六千日

願君爲月我爲雲青天碧海長相傍

說客知幾曾相背史公作贊已原心

淮陰侯

并命更逾三士勇論功應與五王均

五人墓

能與衆生同疾病何愁二豎在膏肓

太醫銅人

團土依然離火宅拈花自在轉金輪

窯變觀音

彈指劫灰長現世點頭頑石亦通禪

公主拜觀

曾是黑衣稱宰相竟將白帽奉藩王

姚少師像

原同正直祠前柏不比婆娑府下槐

楊忠愍公

手植榆

以上五

詩皆都中古蹟

吟苦漸無花思發情深惟有月明知

心

青睛合讓徐陵慧白眼誰容阮籍狂千斛

淚珠時一瀉半緣懷古半思鄉

目

藏神願學希夷鎖斷聖無勞匠石斤

鼻

慎言漸守三緘戒報德終難一飯忘

口

陰陽嬌女知何處今古聞人聚此中

耳

負米天涯安敢息隨流人海且相摩

肩

萬錢鶴背纏猶易斗米人前折竟難

腰

祇愁弟子嘲經笥常笑將軍負智囊

腹

形體詩十二首

尚有髮眉手足四首
無警句可摘故不錄

雲連玉塞開熊館露薦金盤宴雁臣

秋懷

新進又稱前進士及門多有小門生

覃溪先生

重宴

瓊林

韓孟窮通能竝世王盧前後愧齊名

寄曾賓谷

至交萬里猶當面修士千秋共立名

送吳蘭雪

飄泊燕隨風上下寂寥花與草纏綿

向背柳分青白眼淡濃花見淺深情

未信月明真到地只疑人影自浮天

吹殘落葉風無色壓斷枯條雪有聲

讀書幸免租庸調奉佛常呼妙吉祥

解事更無秦吉了贈行空有蜀當歸

綠春

誰知倩女離魂日卽是江郎賦別初

織女星沈秋漏短美人雲散暮寒多

琴於夜鼓聲逾遠酒以春名味更濃

桂樹滿時纔算月桃花開後更無春

小徑隔花成絕塞疎簾蔽月抵長門

爲雲不得甯爲雨采綠無多更采藍

碁因一劫全翻局塔要三生始合尖

花神不肯分明見只爲諸姨總姓封

以上皆綠春詩亦玉溪無題冬郎有憤
之類也聽松廬詩話

梁曾齡

字躋彭號鞠泉廣東德慶州人嘉慶六年舉人有
露桃山館詩鈔

鞠泉性濶達不拘小節抵掌談天下事風發泉湧
少時以詩見稱於魚山太史居京十三年依其座
主李心菴農部農部甚愛之嘗以詩謁紀文達公
公曰觀子所爲吾豁堂有孫矣豁堂鞠泉祖文達
公丁卯同年生也道光癸未與予同寓郡城余貧
甚鞠泉出白金贈予聞鞠泉曾爲孝子何某償帑
負州人至今義之

梁孝廉曾齡傳
陳孝廉在謙撰

鞠泉姪佐

舉人官司馬

出貲刻露桃山館詩鞠泉子絜

恐流傳不遠特攜至羊城出以見示因爲摘其佳

句刻入詩人徵略二編

鞠泉見地頗超非碌碌寄人籬下者其論詩有云

天地詩無窮前人說已了刻苦嘔我心意出前人

表

論詩

其論讀書有云所取在精華所棄在渣滓

萬卷不嫌多破字君須記

論讀書

其論書法有云古

人萬物以爲師蟲鳥蝌蚪蛟龍螭折釵屋漏偶得

之誰曾一一爭摹規

論書法

聽松廬詩話

標題 詠古六首

屈大夫

李供奉

賈太傅

杜工部

司馬

太史蘇學士

摘句

鶯花辭故國山水識陳人

舟次北江

出樹鶯聲滑隔花人語香

春園

累重肩難息心枯血易乾

書懷

舌耕多歉歲心病少良醫

詩書不幸遭殘劫楚漢何曾用一儒

秦中懷古

敢望千金酬一飯須知巨眼勝重瞳

漂母祠

項羽不能識韓信而漂母識之巨眼勝重瞳五字警絕聽松廬詩話

姻婭君臣專閭外夫妻人物冠江東

周公瑾

不幸能臣當亂世最憐才子又英雄

曹孟德

甯以英雄與曹瞞不與孫權權稱臣於曹雄且不能英於何有聽松廬詩話

三年土室孤臣節百鍊丹心正氣歌

文信國

兵機獨斷擒吳凜性地空明繼象山

王文成

屈平詞賦惟招忌韓愈文章不送窮

遺興

非關我輩能憐我畢竟才人解愛才

懷陸春圃

蛺蝶春衫花地酒麝蘭香氣柳波風

廣州舟次

照我悲歡惟有月恨人心事不如潮

訪舊不遇

無功斯世生原枉未了塵緣死亦難

人傳余死

腐儒自合安粗糲青史何曾薄賤貧

感懷

雨過幽徑螢粘草月上空庭犬吠花

惟大英雄能本色媚人何苦點胭脂

論詩

張瓊英

字鶴航江西永豐人嘉慶六年進士官天長縣知縣饒州府教授有采馨堂白水堂詩集

君十三歲有神童之目學使曹文敏公取古學以第一名入學乾隆丁酉中式舉人丁未大挑一等

呈就教職嘉慶辛酉中式進士卽用知縣補安徽

天長縣呈請改補饒州府教授小傳君奉養二親常

有愉色撫二弟友愛切磋講貫若師友然吳廣文照采馨

堂詩集序君遊京師時座主陳春漱先生愛重之嘗延

譽於名公巨卿間冀有大力者推輓之而君杜門

却掃不輕以一刺投人。蓋其志高潔素所樹立者

然也。

萬侍郎承風采馨堂集序

余往來西江聞永豐有詩人張鶴舫而未見其詩。壬寅令子雲卿庶常來粵以采馨堂集見示始獲讀之。其詩無所不學而得力於山谷爲多。五言古多樸老之作。謁嚴先生祠一首尤爲傑出。已摘警句入詩人徵略。七言古亦老健。最愛其五人墓。余忠宣公祠兩篇。五人墓有云。太尉之笏虎臣手。朝中則無市中有。翻恨劍池劍久禰。不能飛去血璫首。余忠宣祠有云。勵卒裏創一當百。但不賊殺卽。

殺賊黑雲忽衝城角來。城破霎時飛血碧。寫義士
忠臣生氣湧出。有此筆力。庶可希蹤杜韓五言律。
太白樓作最超妙。其詩云。萬古一高樓。當年太白
遊。長空看月上。大海拍杯浮。河岳英靈氣。天風浩
蕩秋。斯人不可作。來者復誰酬。七言律多警鍊之
句。特錄其一。氣揮灑者。元旦聞秦楚蜀奏凱喜作
云。聖皇神武帥和衷。三省師旋歲大功。捷報音書
元日賀。春來天地一家同。貔貅柳外銑歌靜。鷓鴣
花間酒氣融。萬國從今樂平蕩。協風甘雨洗氛空。
寓出止戈偃武。其樂昇平而忠愛之忱亦流露於

楮墨間矣

聽松廬詩話

鶴翁絕句多風致題白广種菜圖云吳娃赤脚鬪清新一種治生生態春還有羨田堪種秫却須忙到翟夫人家常語說來如此雋妙

同上

標題

黃文節公詩集書後

赴公車拜辭家大

人

送羽司表弟歸

以上五古

五人墓

皖

口拜余忠宣公祠墓

再書白广集後

酬歐陽厚菴三章

以上七古

灣溪述懷

五古

摘句

真人赤伏符先生黃石友乍可足加腹豈

必臂使手上恬龍虎氣下洗牛馬走邈矣

原缺

崔弼

字積匡號鼎來廣東番禺人嘉慶六年舉人有珍
帚編詩集

曾賓谷方伯贈澧浦太史暨鼎來詩有云天南萬
里越王臺舊雨不來今雨來燕寢清香一樽酒眼
中復得謝與崔是時賓谷方伯甫莅粵澧浦之外
惟鼎來先被容接而鼎來之詩久爲澧浦所推許
家甚貧而日事著述有波羅外紀已梓行其詩才
氣縱橫足使時賢傾倒

玉壺山房詩話

鼎來家貧賣文以活南城曾賓谷方伯來粵隆下

交禮每枉駕造其廬又時賜以粟帛至再三不得
辭乃受七十序懷詩所云雉介雞廉分所宜蠅營
狗苟欲奚爲其自守可知也著有波羅外紀珍帚

編詩集遊甯草

嶺海詩鈔

鼎來先生與先君同以辛酉舉於鄉生平喜博覽
耽吟詠爲詩好用事左宜右有翻新出奇觀其磊
落使才洵屬斷輪老手集中有恭遇

皇帝八旬萬壽觀安南王入覲詩十首典重稱題錄二首
聖壽而今軼有虞萬方臣妾樂歡呼中原競奏鈞天樂遠
徼還觀益地圖 享國豈論商大戊來庭爭觀

觀漢單于南交本是義和宅親見臣佗謁

帝都代身無事鑄黃金職貢真看詒 上林騎象客來三

島遠織綃人望五雲深承 恩鞿轡皆殊渥 賜

部匏茲盡好音歸語麋冷諸父老果然堯顙類

當今

聽松廬詩話

鼎來先生喜二子生詩有云子家世世多陰德長

大須知發盛名今玉墀守戎

連陞

勤奮有爲大府

器重之他日發於事業詎可限量玉墀令子

夢瑤

綺齡嚮學能讀祖書繩其祖武有厚望焉先生之

詩早爲之兆矣

同上

東坡詩云江心似有炬火明至今讀詩者不知爲何物也鼎來八月在零都舟中望見山頂至山足十餘丈列炬通紅如金蛇百道此較坡公所見更奇鼎翁詩云似燃無盡燈不聞僧梵唄蓋天地間不可解之事甚多此其一耳

同上

鼎翁集中有酒器歌謂此器爲前明世廟所賜伯祖侍御誠齋公物也似窖似玉一足中通藏小孩兒於中鼎翁詩云足藏仙人小於指滿之以酒仙特起此器必有名暇日當考之

松軒隨筆

謝子輝持酒器來與此器同但新窖非古窖耳

同上

標題 由翠巖入白雲洞 波羅外紀成志以詩

出門五首

酥醪詠

十首錄四

以上五古

廣州大水歌 游俠兒行 穀雨後不雨

三月二十二日乃大霽三日 題觀海圖

贈徐東貧 蜀道易篇詠曲江公 痘瘡

歌

吾宗子家絮藏酒器歌

以上七古

摘句

山以靜而納水以動而出流水之性勞止

水之性逸彼勞者殊塗惟靜者得一澄潭

萃萬有淵然儲其實獨坐空山中浩然見

天質

羅浮酥醪洞

偶過建德園來尋仲翔宅傲骨本天生何
地不受阨直道古莫容非關城府窄仲謀
亦英雄而怒批鱗逆鸚鵡弔芳洲黃祖何
足惜茫茫天地間知己固難獲

虞翻
苑

藉此淮南術儒餐伴菜羹釜炊白石爛盤
點雪泥輕每飯真同命無鹽恐不情淡交
吾與汝終勝五侯鯖

豆腐

詠豆腐五律殆以此爲最余亦嗜豆腐

誦此詩先得我心

聽松廬
詩話

日低寒虎落步急悞牛涔

蒲澗暮歸

疎篷入新月遠火出孤村

夜歸

酒盡花無色衾寒雁有聲

秋館

亦各言其志異乎吾所聞

寄黎珠湄

得過且須過人云吾亦云

同上

鶴去已非秦日月雲來猶是越山川

安期生

五鹿有天曾予塊一蛇歸穴未銜恩

介子推

免成三窟空存薛雞唱重關易陷秦

孟嘗

三年門下曾爲客一笑樓頭豈負恩

平原

七國幾人稱俊傑兩邦憑爾定危難

信陵

何曾滅楚關王翦止恐圖君有李園

春申

不因狗監能相識多恐鸛裘老此生

司馬相如

著論獨悲秦二世爲文曾弔楚三閭

賈誼

士不遇時應有賦聖如可作亦其徒

董仲舒

何日上船呼太白只今岐路泣楊朱

荅陳兆霖

從來顯晦關乎命豈爲升沉怨有司

荅會澄宇

本木偶人同土偶豈西施子笑東施

慰田西疇

自家好會無多日強爲生生念玉環

書長生殿

英雄氣短銅臺伎富貴魂銷春夢婆

題赤壁圖

加餐豈必長相憶作論何堪廣絕交

寄徐爾雲

廉頗老去猶思趙張祿窮時始入秦

同上

老尋朋舊晨星少病索詩篇蜀道難

訪梁璜溪

萬相自來無不滅六情從古易生愁

訪僧以明

顯晦何關毫末事姓名終要萬人傳

寄王薤園

可知難也能收子何日羲之解弄孫

報二子生

多因剪燭三分懶豈少燃萁七步才

詩債

狐白尙嫌衣袂薄鵝黃翻覺酒杯輕

沙口阻風

龍女有工應作雨襄王無夢亦爲雲

洞庭雨雪

自識廬山真面目豈教雲夢芥心胸

題聽瀑圖

且將囊裏儻來物換得人間未見書

買書

市中俠客無朱亥座上鴻談有白丁

世情